

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 04/1-19-5-39 /22

Bihać, 07.11.2022. godine

Na osnovu člana 52. stav (1) tačka b) Statuta Grada Bihaća ( “Službeni glasnik Grada Bihaća”, broj: 13/15 i 13/18) i člana 183. tačka 2. Poslovnika Gradskog vijeća ( “Službeni glasnik Grada Bihaća” broj: 03/16, 4/20), Gradonačelnik u svojstvu predlagača propisa i drugih akata

**O d r e đ u j e**

Izvjestioca: Vildanu Zulić, pomoćnika gradonačelnika za strateško planiranje, upravljanje projektima, komunalne djelatnosti, vode i zaštitu okoliša na sjednici Gradskog vijeća i radnim tijelima po prijedlogu tačke dnevnog reda:

-Nacrt Odluke o naknadama za korištenje uređaja i opreme koji emitiraju  
elektromagnetno zračenje

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**

Služba za strateško planiranje, upravljanje projektima,  
komunalne djelatnosti, vode i zaštitu okoliša

Broj: 04/1-19-5-39/22

Bihać, 07.11.2022. godine

**GRADSKO VIJEĆE BIHAĆ**

- o v d j e -

**PREDMET:** Nacrt Odluke o naknadama za korištenje uređaja i opreme koji emitiraju  
elektromagnetno zračenje, dostavlja se

Na osnovu člana 52. alineja a) Statuta Grada Bihaća (“Službeni glasnik Grada Bihaća”, br: 13/15 i 13/18) dostavljam vam Nacrt Odluke o naknadama za korištenje uređaja i opreme koji emitiraju elektromagnetno zračenje, na razmatranje radi donošenja.

**O b r a z l o ž e n j e**

*Pravni osnov za donošenje:*

Pravni osnov za donošenje Nacrta Odluke o naknadama za korištenje uređaja i opreme koji emitiraju elektromagnetno zračenje sadržan je u odredbama :

- člana 12. stav (3) Zakona o lokalnoj samoupravi Unsko-sanskog kantona („Službeni glasnik USK-a”, br: 8/11), kojim je propisano da općina, kao jedinica lokalne samouprave, u okviru vlastite nadležnosti donosi propise o porezima, naknadama, doprinosima i taksama iz nadležnosti jedinice lokalne samouprave.

- člana 35. tačka i) Statuta Grada Bihaća (“Službeni glasnik Grada Bihaća”, br: 13/15 i 13/18), kojim je propisano da Gradsko vijeće, u okviru svoje nadležnosti, donosi propise o porezima, taksama, naknadama i drugim prihodima od interesa za Grad.

*Razlozi za donošenje:*

Postupajući po Presudi Ustavnog suda FBiH, broj: U-17/20 od 13.10.2021. godine („Službene novine FBiH“, broj: 92/21), na 27. sjednici Gradskog vijeća Bihać održanoj dana 27.10.2022. godine, donešena je Odluka o izmjenama i dopunama Odluke o komunalnim taksama, kojom su brisane odredbe koje se odnose na plaćanje komunalne takse za korištenje

uređaja za pružanje usluga mobilne telefonije, jer propisivanje ovakve obaveze u odlukama jedinica lokalne samouprave nije u saglasnosti sa Ustavom FBiH.

Imajući u vidu finansijske efekte koje će izmjena Odluke o komunalnim taksama imati na Budžet Grada Bihaća, u smislu smanjenja vlastitih prihoda u iznosu od oko 300.000,00 KM, pristupilo se izradi nove Odluke o naknadama za korištenje uređaja i opreme koji emitiraju elektromagnetno zračenje.

Ovom odlukom se propisuju vrste, visina i način plaćanja naknade za uređaje i opremu koji svojim tehničkim karakteristikama emitiraju propisima dozvoljeni nivo elektromagnetskog zračenja na području grada Bihaća, te opći kriteriji za utvrđivanje visine naknade, a to su: zone grada, blizina stambenih ili poslovnih objekata u kojima žive, borave i rade građani, kao i blizina škola i vrtića, na koji način će se obezbjediti vlastiti prihodi u Budžetu Grada Bihaća.

#### *Potrebna finansijska sredstva*

Za provođenje ove Odluke nije potrebno obezbjediti finansijska sredstva.

Radi gore navedenog, predlaže se Gradskom vijeću Bihać usvajanje Nacrta Odluke o naknadama za korištenje uređaja i opreme koji emitiraju elektromagnetno zračenje, kao u predloženom tekstu.

Gradonačelnik  
Šuhret Fazlić

## NACRT

Na osnovu člana 12. stav (3) tačka nj) Zakona o lokalnoj samoupravi USK („Službeni glasnik USK-a“, broj: 8/11) i člana 35. tačka i) Statuta Grada Bihaća („Službeni glasnik Grada Bihaća“, broj: 13/15 i 13/18) Gradsko vijeće Bihać na \_\_\_\_\_ sjednici održanoj dana \_\_\_\_\_ 2022. godine, donijelo je

### Odluku

o naknadama za korištenje uređaja i opreme koji emitiraju elektromagnetno zračenje

## DIO PRVI – OPĆE ODREDBE

### Član 1.

(Predmet Odluke)

Ovom Odlukom propisuju se vrste, visina i način plaćanja naknade za uređaje i opremu koji emitiraju propisima dozvoljeni nivo elektromagnetskog zračenja na području grada Bihaća.

### Član 2.

(Plaćanje naknade)

Naknada se plaća za korištenje uređaja i opreme koja se koristi za pružanje usluga, a koja svojim tehničkim karakteristikama emitira elektromagnetsko zračenje za čije korištenje je propisano plaćanje naknade.

### Član 3.

(Uređaji i oprema za koje se plaća naknada)

Naknade se plaćaju za:

- a) Bazne stanice mobilne telefonije, fiksne i mobilne (samostojeće antene),
- b) Mikrobazne stanice mobilne telefonije,
- c) Predajnici (pasivni repetitori),
- d) Antene i stubove, uključujući antenske sisteme za radio i televiziju.

### Član 4.

(Obveznik naknade)

Obveznik naknade je pravno lice koje u obavljanju svoje djelatnosti/pružanju usluga koristi uređaje i opremu iz člana 3. ove Odluke.

### Član 5.

(Obaveza i način plaćanja naknade)

(1) Obaveza plaćanja naknade nastaje u trenutku kad obveznik naknade počne pružati usluge, odnosno počne koristiti uređaje i opremu iz člana 3. ove Odluke za čije korištenje je propisano plaćanje naknade.

(2) Naknada se plaća na način i u rokovima propisanim ovom Odlukom.

## Član 6.

### (Prihodi od naknada)

Prihodi od naknada uplaćuju se na račun javnih prihoda Budžeta Grada Bihaća putem poslovne banke.

## DIO DRUGI- PODNOŠENJE PRIJAVE, RAZREZ I NAČIN PLAĆANJA NAKNADE

## Član 7.

### (Način i rokovi podnošenja prijave)

- (1) Obveznik naknade dužan je podnijeti prijavu za utvrđivanje naknade, na obrascima čiji sadržaj propisuje gradonačelnik.
- (2) Obveznici plaćanja komunalne naknade dužni su u roku od 15 dana od dana nastanka obaveze plaćanja naknade istu prijaviti nadležnoj Službi
- (3) Iznos naknade utvrđuje se za period od jedne godine.
- (4) Pravno lice koje u toku godine postane obveznik naknade, plaća naknadu u iznosu koji je srazmjeran vremenu proteklom od dana nastanka obaveze do kraja tekuće godine.

## Član 8.

### (Rješenje)

- (1) Prijave moraju biti potpune i podnesene u roku.
- (2) Obavezu plaćanja naknade, na osnovu podnesenih prijava, rješenjem utvrđuje Služba za strateško planiranje, upravljanje projektima, komunalne djelatnosti, vode i zaštitu okoliša.
- (3) Ako obveznik naknade iz stava (2) ovog člana nije podnio prijavu u roku od 30 (trideset) dana od roka utvrđenog članom 7. ove Odluke, nadležna Služba će po službenoj dužnosti rješenjem utvrditi obavezu plaćanja naknade.

## Član 9.

### (Evidencija )

Nadležna Služba i Služba za urbanističko planiranje, građenje, imovinsko-pravne i geodetske poslove kontinuirano prikupljaju i evidentiraju podatke i promjene od značaja za utvrđivanje obaveze plaćanja naknade.

## Član 10.

### (Način plaćanja)

- (1) Naknada se plaća u jednakim mjesečnim ratama, unaprijed do 5. u mjesecu za tekući mjesec.
- (2) Mjesečni iznos naknade iz stava (1) ovog člana utvrđuje se dijeljenjem ukupno utvrđenog iznosa naknade i perioda za koji je utvrđena obaveza.
- (3) Naknade koje su utvrđene za period kraći od jednog mjeseca, plaćaju se u roku od sedam dana od dana nastanka obaveze.

## DIO TREĆI- POVRAT NAKNADE

### Član 11.

(Zahtjev za povrat naknade)

Lice koje je platilo naknadu koju, po odredbama ove Odluke, nije bilo dužno da plati, kao i lice koje je preplatilo iznos visine naknade ima pravo na povrat sredstava na osnovu zahtjeva koji podnosi nadležnoj Službi.

### Član 12.

(Prinudna naplata naknade)

Ako obveznik u propisanom roku ne uplati naknadu, nadležna Služba će putem gradskog pravobranilaštva pokrenuti postupak prinudne naplate.

## DIO ČETVRTI - KRITERIJI ZA UTVRĐIVANJE VISINE NAKNADA I TARIFE NAKNADA

### Član 13.

(Kriteriji za utvrđivanje visine naknada)

(1) Opći kriteriji za utvrđivanje visine naknade su:

- a) zone grada u kojima se koriste predmeti, prostori ili pružaju usluge,
- b) blizina stambenih ili poslovnih objekata u kojima žive, borave i rade građani,
- c) blizina škola i vrtića.

(2) Područje grada Bihaća, u pogledu utvrđivanja visine naknade, dijeli se na četiri zone navedene u ANEKSU I, a visina naknade prema kriterijima iz stava (1) ovog člana utvrđena je u ANEKSU II, te su isti sastavni dio ove Odluke.

### Član 14.

(Visina naknada)

Visina naknada utvrđuje se u kumulativu na način da se zbrajaju dijelovi A, B i C Aneksa II ove Odluke koji je njen sastavni dio.

## DIO PETI – NADZOR

### Član 15.

(Upravni nadzor)

Upravni nadzor nad provođenjem ove Odluke vrši Služba za strateško planiranje, upravljanje projektima, komunalne djelatnosti, vode i zaštitu okoliša.

### Član 16.

(Inspeksijski nadzor)

Inspeksijski nadzor nad primjenom ove Odluke vrši Služba za inspeksijske poslove u okviru svojih ovlaštenja.

## DIO ŠESTI - KAZNENE ODREDBE

### Član 17.

#### (Prekršaji)

(1) Novčanom kaznom u iznosu od 4.000,00 KM - 8.000,00 KM kazniće se za prekršaj pravno lice ako postupa suprotno odredbama člana 8. i člana 9. ove Odluke.

(2) Za prekršaj iz stava (1) ovog člana kaznit će se i odgovorno lice u pravnom licu novčanom kaznom u iznosu od 1.000,00 KM - 1.500,00 KM.

## DIO SEDMI -ZAVRŠNE ODREDBE

### Član 18.

#### (Stupanje na snagu Odluke)

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Broj:

Bihać, \_\_\_\_\_ 2022. godine

Predsjedavajući Gradskog vijeća

Zulfikar Handukić

## ANEKS I - ZONE NA PODRUČJU GRADA BIHAĆA

### DIO A – NULTA ZONA

R/b	Naziv ulice
1.	Ulica Bosanska (od raskrsnice sa ulicom 5. korpusa do Trga reisa Džemaludina efendije Čauševića, dio ulice Bele IV, ulice Kralja Tvrtka I i dio ulice Nurije Pozderca (obuhvat po projektu popločanja Bosanske ulice)

### DIO B - PRVA ZONA

R/b	Naziv ulice
1.	Ulica Pape Ivana Pavla II
2.	Ulica Gazi Husrefbegova
3.	Aleja Alije Izetbegovića prvog predsjednika Predsjedništva RBiH
4.	Most Alije Izetbegovića prvog predsjednika Predsjedništva RBiH
5.	Trg maršala Tita
6.	Trg reisa Džemaludina efendije Čauševića
7.	Ulica Bosanske državnosti
8.	Ulica Krupska
9.	Ulica Husein kapetana Gradašćevića
10.	Ulica Miroslava Krleže
11.	Ulica HVO-a
12.	Dio ulice Bele IV i dio ul. Nurije Pozderca
13.	Ulica Bedem
14.	Ulica dr. Irfana Ljubijankića (od kanala jarak do spoja s ulicom Murat-bega Ibrahimpašića)
15.	Ulica Murat-bega Ibrahimpašića
16.	Ulica Bosanskih kraljeva
17.	Ulica Himze Polovine
18.	Ulica Bosanskih banova
19.	Ulica Sarajevska
20.	Ulica Harmanska (od spoja s ulicom 5. korpusa do spoja s ulicom Sarajevska)
21.	Ulica Hamdije Kreševljakovića
22.	Ulica Harmanskih šehida
23.	Ulica Vazduhoplovne grupe
24.	Ulica Mehmedalije Maka Dizdara
25.	Ulica AVNOJ-a
26.	Ulica ZAVNOBiH-a
27.	Ulica Ešrefa Kovačevića
28.	Ulica Muhsina Rizvića
29.	Ulica fra Joze Valentića
30.	Ulica 5. korpusa (od gradskog sata do spoja s ulicom fra Joze Valentića)
31.	Ulica 502. viteške brigade (od spoja s ulicom 5. korpusa do Doma kulture )



32.	Ulica Hasana Kĳafije Prušćaka (od spoja sa ulicom Sarajevskom do ulice Bosanskih banova)
-----	---

*DIO C – DRUGA ZONA*

R/b	Naziv ulice
1.	Ulica dr. Irfana Ljubijankića (od spoja s ulicom Murat bega Ibrahimpašića do spoja s ulicom Ceravaćka brda)
2.	Ulica Ceravaćka brda
3.	Ulica Bužimska
4.	Ulica Koste Hormanna
5.	Ulica Antifašistićkog otpora
6.	Ulica Hamdije Ćemerlića
7.	Ulica Ali Fehmije Džabića
8.	Ulica Mehmed-paše Bišćevića
9.	Ulica Alije Nametka
10.	Ulica Bosanske nezavisnosti
11.	Ulica Mehmed-paše Sokolovića
12.	Ulica Hasan Kĳafije Prušćaka (od spoja s ulicom Mehmed-paše Sokolovića do spoja s ulicom Sarajevskom)
13.	Ulica Mehmeda Spahe
14.	Ulica Alije Isakovića
15.	Ulica Ferhad-paše Sokolovića
16.	Trg TO Ozimice I
17.	Ulica Alekse Šantića
18.	Ulica Dobrih bošnjana
19.	Ulica Harmanska (od spoja s ulicom Sarajevskom do spoja s ulicom Muse Ćazima Ćatića)
20.	Ulica dr. Mehmeda Tatlića
21.	Ulica Odreda za specijalna dejstva
22.	Trg Zlatnih ljiljana
23.	Ulica Hasan-age Pećkog
24.	Ulica Crkvina
25.	Ulica fra Bosiljka Ljevara
26.	Ulica Dušana Vukotića
27.	Ulica Safeta Isovića
28.	Ulica Milana Keće
29.	Ulica Hamdije Pozderca
30.	Ulica Muse Ćazima Ćatića
31.	Ulica Darivalaca krvi
32.	Ulica Branka Ćopića

33.	Ulica Kunovska
34.	Ulica Mimar-Hajredina
35.	Ulica Španskih dobrovoljaca
36.	Ulica Mirze Delibašića
37.	Ulica Skendera Kulenovića
38.	Ulica Jovana Bjelića
39.	Ulica Ferida Džanića
40.	Ulica reisa Mustafe Omerovića
41.	Ulica Drinska
42.	Ulica Franjevačka
43.	Ulica Muhameda Hadžijamakovića
44.	Ulica Bosanskih gazija
45.	Ulica Splitska
46.	Ulica Muhameda Hadžijahića
47.	Ulica Hrvatskih branitelja (od mostića na Lukama do spoja s ulicom Branka Ćopića)
48.	Ulica Žegarska aleja
49.	Ulica 5. korpusa (od spoja s ulicom fra Joze Valentića do mostića na Lukama)
50.	Ulica 501. slavne brigade
51.	Jezerska ulica
52.	Ulica Ali-bega Firdusa
53.	Ulica Mustaj-bega Ličkog
54.	Ulica meteorološka
55.	Ulica Hasana Bibera
56.	Ulica Mehmeda Fazlića
57.	Ulica Isaka Samokovlije
58.	Ulica Islamovac
59.	Ulica Mehmeda Mujezinovića
60.	Ulica Muharema Bagramelija
61.	Ulica Vladimira Nazora
62.	Ulica Mehmeda Havajije Uskufije
63.	Ulica Alije Đerzeleza
64.	Ulica Vasif-bega Bišćevića
65.	Ulica Branislava Đurđeva
66.	Ulica Đoke Mazalića
67.	Ulica Omera Novljanina
68.	Ulica Prisika
69.	Ulica Šarnovac

70.	Ulica 502. viteške brigade ( od Doma kulture do Midžića jezera)
71.	Ulica Bihaćkih branilaca
72.	Ulica Džemala Bijedića
73.	Ulica Midžića mahala
74.	Ulica Nade Klaić
75.	Ulica Tuk-mahala
76.	Ulica Do
77.	Ulica Ivana Gorana Kovačića
78.	Ulica dječijih žrtava
79.	Ulica Nikole Tesle
80.	Ulica Mimar-Sinana
81.	Put Armije R BiH (od spoja s ulicom Bihaćkih branilaca do ulice Bihačke Republike)
82.	Ulica Bihačke Republike
83.	Ulica Vežzovac
84.	Ulica Ribićkih ljljana
85.	Ulica Hadžiabdića mahala
86.	Ulica Čehajića mahala
87.	Ulica Abdulaha Škaljića
88.	Ulica Husrefa Redžića
89.	Ulica Safvet-bega Bašagića
90.	Ulica Hošića mahala
91.	Ulica Dede Ajdinovića
92.	Ulica 17. maja
93.	Ulica Huseina Dupanovića Hukija
94.	Ulica Cazinska
95.	Ulica Džanića mahala
96.	Ulica Safeta Krupića
97.	Ulica Hasana Kaimije
98.	Ulica Karla Friedricha Gausa
99.	Ulica Nafije Sarajlić
100.	Ulica Midhata Begića
101.	Ulica Plandište
102.	Ulica Hazima Šabanovića
103.	Ulica Ključka
104.	Ulica Besima Korkuta
105.	Ulica Hatinačkih branilaca
106.	Ulica Meše Selimovića
107.	Ulica Smajića mahala

108.	Ulica Envera Krupića
109.	Ulica Ćamila Sijarića
110.	Ulica Umihane Čuvidine
111.	Ulica Derviša Sušića
112.	Ulica Hatinačkih šehida
113.	Ulica Hatinački brod
114.	Ulica Prvi hatinački sokak
115.	Ulica Drugi hatinački sokak
116.	Ulica Mehmeda Šaćira Kurtćehajića
117.	Ulica Nositelja hrvatskog trolista
118.	Ulica Hasan paše Predojevića (od spoja sa ulicom Mehmeda Šaćira Kurtćehajića do mosta u Bakšaišu)
119.	Ulica Saliha Mušanovića
120.	Ulica Ale Galića
121.	Rođina ulica
122.	Ulica Vladimira Preloga
123.	Ulica Bihaćkih poginulih odbojkaša

#### *DIO D – TREĆA ZONA*

Sve ulice koje nisu u obuhvatu I i II zone.

#### **ANEKS II –VISINA NAKNADA PREMA KRITERIJIMA**

*DIO A-* zone u kojima se koriste predmeti, prostori ili pružaju usluge

Vrsta uređaja/opreme (KM/po komadu/godišnje)	Nulta zona	I zona	II zona	III zona
Bazne stanice mobilne telefonije, fiksne i mobilne	3.000,00	2.000,00	1.500,00	1.000,00
Mikrobazne stanice mobilne telefonije	2.000,00	1.500,00	1.000,00	500,00

Predajnici (pasivni repetitori)	3.000,00	2.500,00	2.000,00	1.000,00
Antene i stubovi	3.000,00	2.500,00	2.000,00	1.000,00

*DIO B-* blizina stambenih ili poslovnih objekata u kojima žive, borave i rade građani

Vrsta uređaja/opreme (KM/po komadu/godišnje)	Blizina prvih objekata		
	Do 200 metara	Od 200 do 500 metara	Preko 500 metara
Bazne stanice mobilne telefonije, fiksne i mobilne	2.000,00	1.500,00	1.000,00
Mikrobazne stanice mobilne telefonije	2.000,00	1.500,00	1.000,00
Predajnici (pasivni repetitori)	2.000,00	1.500,00	1.000,00
Antene i stubovi	2.000,00	1.500,00	1.000,00

*DIO C-* blizina škole i/ili vrtića

Vrsta uređaja/opreme (KM/po komadu/godišnje)	Blizina škole i/ili vrtića		
	Do 200 metara	Od 200 do 500 metara	Preko 500 metara
Bazne stanice mobilne telefonije, fiksne i mobilne	2.500,00	2.000,00	1.500,00
Mikrobazne stanice mobilne telefonije	2.500,00	2.000,00	1.500,00
Predajnici (pasivni repetitori)	2.500,00	2.000,00	1.500,00
Antene i stubovi	2.500,00	2.000,00	1.500,00

Na osnovu člana 132. tačka a) i člana 142. Poslovnika Gradskog vijeća Bihać (“Službeni glasnik Grada Bihaća”, broj: 3/16, 4/20), Gradsko vijeće Bihać na \_\_\_\_\_ sjednici održanoj dana \_\_\_\_\_ 2022. godine, donijelo je:

## ZAKLJUČAK

o prihvatanju i stavljanju na javnu raspravu

Odluke

o naknadama za korištenje uređaja i opreme koji emitiraju elektromagnetno zračenje

### I

Prihvata se Nacrt Odluke o naknadama za korištenje uređaja i opreme koji emitiraju elektromagnetno zračenje.

### II

Nacrt Odluke stavit će se na javni uvid građanima u periodu od \_\_\_\_\_ 2022.godine do \_\_\_\_\_ 2022.godine, i to: u prostorijama Grada Bihaća-Info pult (šalter sala) i prostorijama Službe za strateško planiranje, upravljanje projektima, komunalne djelatnosti, vode i zaštitu okoliša, u vremenu od 09:00 sati do 12:00 sati, objavom na web stranici Grada Bihaća, te dostavljanjem Nacrta Plana nadležnim Službama, institucijama i pravnim licima iz oblasti koja se uređuje predmetnom Odlukom.

### III

Prijedlozi, mišljenja i sugestije na Nacrt Odluke mogu se dostaviti u pismenoj formi do \_\_\_\_\_ 2022. godine, radnom tijelu Gradskog vijeća kojeg čine:

1. \_\_\_\_\_, predsjednik (ispred Gradskog vijeća Bihać),
2. \_\_\_\_\_, član (ispred Gradskog vijeća Bihać),
3. \_\_\_\_\_, član (ispred Službe za strateško planiranje, upravljanje projektima, komunalne djelatnosti, vode i zaštitu okoliša),
4. \_\_\_\_\_, član (ispred Službe za strateško planiranje, upravljanje projektima, komunalne djelatnosti, vode i zaštitu okoliša),
5. \_\_\_\_\_, član (ispred zainteresirane javnosti).

### IV

Radno tijelo za provođenje javne rasprave dužno je naročito:

– osigurati da materijal, odnosno Nacrt Odluke, koji je predmet javne rasprave, bude dostupan javnosti,

- pratiti javnu raspravu i pravovremeno prikupiti sve prijedloge, mišljenja i primjedbe koje se iznesu na javnoj raspravi,
- analizirati rezultate javne rasprave i o njima podnijeti izvještaj Gradskom vijeću i predlagачu materijala, odnosno učestvovati u završnoj javnoj raspravi.

#### V

Radno tijelo za provođenje javne rasprave održat će završnu javnu raspravu dana \_\_\_\_\_ 2022. godine u Vijećnici Grada Bihaća, s početkom u \_\_\_\_\_ sati.

#### VI

Predlagач će, uzimajući u obzir prijedloge i mišljenja sadržane u izvještaju Radnog tijela za provođenje javne rasprave, utvrditi Prijedlog Odluke o naknadama za korištenje uređaja i opreme koji emitiraju elektromagnetno zračenje i podnijeti ga Gradskom vijeću na razmatranje i donošenje.

#### VII

Zaključak stupa na snagu osmog dana od dana objavljivanja u „Službenom glasniku Grada Bihaća“.

Broj: \_\_\_\_\_  
Bihać, \_\_\_\_\_ 2022. godine

Predsjedavajući Gradskog vijeća  
Zulfikar Handukić